


素園石譜



素園石譜卷之四

秀碧石

蘇錦




雲間林有麟仁甫輯


張雲莊有怪石拳許峯巒隱然色明潤可愛名
曰秀碧

有客至自玄冥國袖携一峯元氣濕知我雅有
山林思和雲持贈曾莫惜嶙峋玉立三寸強意
氣巋然壓秋色初疑女媧醉墮簪劫火不燒年
萬億又疑鼎湖遺寶劍水齧惟餘半尖碧苔痕
剥盡出本真頓覺嵐光異疇昔虛堂晝永爐煙
微目擊道存真莫逆若令解語儘可師政使不

高何損德聖門顏子具體微齊國晏嬰纔六尺
物形固有大小殊達觀原無高下隔塞裳欲涉
還踟躕一笑詩成山鬼泣

怪石供





玻璃國產五色石以玻璃盆貯之爛然可愛又
青州有鉛松怪石似玉今齊安江上徃徃有之
多紅黃白色其文如人指上螺精明瑩潔雖巧
者以意繪畫有不能及者蘇子瞻常以之供佛
印禪師名曰怪石供凡二百五十枚并石槃二
個

雅嘜樹后屏



朱學士吳冲卿家有一石屏內古木參差兩鴉
棲止儼然圖畫遂名鴉鳴樹石

歐陽修賦

晨光入林衆鳥驚
膈膊群飛鴟亂鳴
穿林四散投空去
黃口巢中饑待哺
雌者下啄雄高盤
雄雌相呼飛復還
空林無人鳥聲樂
古木參天枝屈蟠
下有怪石橫樹間
煙埋草沒苔蘚斑
借問此景誰圖寫
乃是吳家石屏者
號工剗山取山

骨朝鑱暮斲非一日萬象皆從石中出吾嗟人
愚不見天地造化之初闢乃云萬物生自然豈
知鑱鑱刻畫巧與妍千狀萬態不可殫神愁鬼
哭晝夜不得間不然安得巧工妙手憊精竭思
不可到若無若有縹緲生雲烟鬼神功成天地
惜藏在號山深處石惟人有心無不獲天地雖
神藏不得又疑鬼神好勝憎吾儕欲極奇怪窮
吾才乃傳張生自西來吳家學士見此哈醉點

紫毫淋墨煤君才自與鬼神鬪嗟我老矣安能
陪

梅宛陵

吳夫子佩銀龜乘天馬素怪奇忽得虢畧一片
石其中白色圓如規又有樹與烏畫手雖妙何
能爲吳乃持問歐陽公比公曩獲尤可疑疑不
爲辨賦以詩詩辭粲粲明星垂復遣賫來使我
和坐上巨公旁睨之范侯實有楊雄學咸云此

理難究推我歸滌慮反復思義雖不經聊解頤
月與太陽合朔時陽鳥飛上桂樹枝枝上作巢
生群兒人不知天公天公欲俾世間見影著石
面如粘繭鳥旣不得去月亦不可移留爲千古
作好玩慎勿傾撲同玉碑

蘇東坡

何人遺公石屏風上有水墨希微縱不畫長林
與巨植獨畫我眉山西嶺上萬歲不長之孤松

崖崩澗絕可望不可到孤烟落日相溟濛含風
偃蹇得真態刻畫始信天有工我恐畢宏韋偃
成葬號山下骨可朽爛心難窮神機巧思無所
發化爲煙飛淪石中古來畫師非俗士摹寫物
像畧與詩人同願公作詩慰不遇無使二子含

憤泣幽宮

武康后

合 合 象 滿
溜 彥 放 兮
樹 簾 卷 焉
八 索



并坐后

根雲





出浙江湖州府卞山一名弁山石瑩然如玉旁
有別峯號西陵趙孟堅嘗得五字不損本蘭亭
于霅州乘夜至弁山得小石一座儼如山勢把
玩不已時大風作孟堅立淺水中向人曰石帖
在此無憂也武康石亦出浙江湖州府亦可作
硯山

王弇州題

茲山饒奇石混沌帝所鑿墜如渴猿飲森若驚

鵲搏龍睛過猶閃狓坐望還却萬竅吸籟號一
柱危崖閣玲瓏蔽秋漲突兀生搖落赤鯉舳際
驚白鳥波面掠揮手攬青蒼爲余佐杯勺